

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Symbolum XCI. Apollo.

[urn:nbn:de:hbz:466:1-68709](#)

SYMBOLVM XCI.

Apollo.

Ex Variis.

Ethicè.

1. Apollinis Laurus, Cygnus, Tripus, Crines aurati, Taurus vi-
- stima, Ara in Delo, Parnassi juga, Arcus & Sagittæ. 2. Phæ-
- bi seu Solis encomium. 3. Analogia inter Solem & Princi-
- peum. 4. Solis & Sapientis comparatio.

Post Minervam & Musas, imò ante utrasque memorandus nobis est *Apollo* seu *Phæbus*, de quo aliis quidem in locis actum, ut in Da-
phne, Marsya, Pythone, Phaëthon; hic verò alia quædam huic
Deo magis propria, & Poëtarum carminibus celebratissima, sunt addu-
cenda, præsertim quæ ad Literarum & Sapientiæ studium referuntur.
Nomen Apollo suum traxit απὸ τῆς αἰτίας θεοῦ vel ἀπὸ εὐ, quod signifi-
cat perdere; nam Pythonem, draconem illum immanem, de quo Symb.
15. perdidit, seu interemit, unde & *Pythius* dictus. Phœbus autem ap-
pellatur, quia simul & Musarum Princeps, & *Sol*, planetarum rex sa-
lutatur; φῶς enim Sol est, quasi φῶς τῆς Βίου, lux vitæ; quid enim vel
vitale, vel est vegetum, quod à Solis influente calore non proficiuntur?
Fuit autem Apollo Jovis & Latonæ filius, Diana (quæ & Luna, seu
Phœbe) frater. Citharam fertur à Mercurio accepisse; posteaque Mu-
sis præfuisse, *Divinationis* & *Sapientie* Præses; peritissimus quoque *Iacu-*
lator, & medicinæ *Inventor*. Unde de se lib. 1. Metam.

Inventum medicina meum est, opifexque per orbem

Dicor, & herbarum subjecta potentia nobis.

Repertor idem Carminum & Musicæ, unde gloriatur:

----- per me concordant carmina nervis.

In monte Parnasso præcipue habet novem inter Musas sedem, de
quo Claudianus:

Pieridum columen, cuius Parnassia magno
Numine templâ sonant.

Jn



In Cynthro etiam monte insulæ Deli (ubi natus est , & unde nominatur *Cynthius* , ac soror ejus *Cynthia*) frequens esse fertur. Testatur Ma-ro 4. Aeneid.

Ipse jugis Cynthi graditur , mollique fluentem
Fronde premit crinem fingens , atque implicat auro:
Tela sonant humeris.

Ethica.

I. (a) Apollini dicata Laurus est , doctarum prœmium & decus frontium. Dicitur perpetuâ gaudere iuventâ , quia Literæ nunquam se-nescunt , & viri Apollinei etiam post fata vivunt. (b) Quid quod Poësis requirat ingenium vivax , & vegetum , alacre , floridum. Eadem *Cygnus* sacer est , quia divinat & vaticinatur , quando moriturus sit ; qua-si providendo , quid in morte boni sit , ut loquitur Tullius 1. Tuscul. quæst. Hoc sapientes & virtute præstantes viri (qui per Apollinem denotan-tur) faciunt : illi namque bona nixi conscientia neque recusant vivere , neque timent mori. Et quia Apollo ab augurando celebratur , meritò sapientes viros dixeris *Augures* , quibus , quæ indoctis videntur fortuita , sunt jam antè prævisa & præcauta , dum ex antecedentibus eventus fu-torum , progressiones , & causas cognoscunt. Inter fana Apollini consecrata , opulentissimum fuit olim ac religiosissimum *Delpicum* ; cuius vaticidius . (c) *Tripus* Musarum etiam tironibus notus est , qui fortuitò à pescatoribus reti attractus ex undis , monitu Oraculi sapientissimo om-nium erat offerendus. Itaque Tripos ille aureus initio ad *Thalerem* Milesium , unum ex septem Græciæ sapientibus defertur , quem ille ad *Biantem* , ut se sapientiorem remisit : ab hoc rursus eodem pacto ad alios transmissus est , donec ad Thalerem denuo rediret , qui eum Apollini Delphico consecravit ; ex quo deinde Deus tam certa responsa reddidit , ut in proverbium abierit : *ex tripode* , quidquid vehementer erat verum atque indubitatum. Hinc intelligas , quanta æstimatio sit viri sapientia pollentis , qui *tripode* dignus habetur ; & quam pulchre modestia cum doctrina societur ; quam ob causam Pythagoras non *Sophus* , sed *Phi-losophus* , hoc est , amator sapientiae voluit appellari.

(d) Neque frustra auro crines implicat Apollo : nam sæpe comitantur Sapientem Opes. Testes sunt Seneca Philosophus , Plinius , Æsopus tragœdus , aliquique sexcenti. De Sapientia Salomon 3. Prov. in si-

(a) *Apollinis laurus*. (b) *Cygnus*. (c) *Tripus*. (d) *Auratis crines*.

nifra illius divitiae. Et Sap. 8. Si divitiae appetuntur in vita, quid sapientia locupletius, quae operatur omnia? etiam divitias, ut in Salomone apparet. Horatius in epist. ad Mecœnat.

Ad summum sapiens uno minor est Jove, dives,

Liber, honoratus, pulcher, rex denique regum.

Consonat Siracides c. 7. utilior est sapientia cum divitiis. Certe, quem diximus, Pythagoras, ob insignem sapientiam auream coronam redimenti solitus est. Ælian. lib. 12. c. 32. Quod si aliquando contrarium accidat, & pauper Aristoteles cogatur ire pedibus, id non Liberalium Artium culpa, sed Illiberalium temporum crimen est. Martialis lib. 8.

Sint Mœcœnates, non deerunt, Flacce, Marones.

Ipse quoque Apollo aliquando magnas in angustias conjectus est, cum Gigantibus calum oppugnantibus olympum terram vertere, & Admeti Regis Thessaliam armenta pascere cogebatur. Etiam hoc observandum, quod Apollini mactetur taurus, unde Anchises apud Virgilium è navis exscendens in ipso Cretæ insulae littore

meritos Superis mactavit honores,

Taurum Neptuno, taurum tibi pulcher Apollo.

(e) Cur taurum? Laboriosum est animal. Bovillo capite laborem designari, Pierius docet; hinc illo, tanquam fulcimento trabes sustinentur, ea frontis & gutturus specie, quae nixum & conatum, hoc est, tolerantiae, laborisque significatum refert. Quia de causa à Tyriis Carthaginem ædificare aggressis, intermissum est opus ob caput taurenum inventum; itaque moenia cœptæ urbis aliò translata; videbatur enim ostentum illud nihil nisi laborem & anxietatem minitari; aliò vero loco fodientes, cum caput equi invenissent, laeti, alacresque illud belli ac fortitudinis signum accepere. Nimium sapientia multo labore, sudoreque constat: hinc viri litterati plerumque sunt pallidi & ναρωταί. Jobus ait c. 28. Sapientia ubi invenitur, & quis est locus intelligentiae? Nescit homo pretium ejus; nec invenitur in terra suaviter vivendum.

Præterea per bovillum caput trabi suppositum intelligas, viros sapientes ac doctos columnam esse & columen reipublicæ, quam sustentant & conservant. Divinus certè Plato dicebat, tum demum Respublicas beatas fore, cum eas aut Philosophi cœpissent regere, aut qui regerent, philosophari. Atque ut Milo, Strabone teste, cum in contuberno Philosophorum esset, minitantis ruinam columnæ locum subiit ei

Aaaa

Iuc-

(e) Taurus victimæ Apollinis cur.

succollando: eaque ratione & reliquos servavit omnes, & seipsum in columem subduxit: ita par est Principes facere, remque litterariam auctoritate ac liberalitate sustentare ac tueri. Et haec de tauro Apollini sacrificato. (f) Sed cur in insula Delo, ubi magna religione Deus hic colebatur, nullum immolabatur animal, ne sanguine aspergeretur ara, statuente sic Pythagora? quod Cicero asserit lib. 3. de Nat. Deor. quo significetur, mitia esse sapientiae studia, & multum a feritate ac inhumanitate remota. Cur vero montes inhabitet Apollo, diximus, cum de Musis ageremus. (g) Duo Parnassi juga indicant doctrinæ jungendam esse virtutem: per haec fit ascensus in astra. (h) Apollinis arcus & sagittæ quid sunt aliud, quam ingenium subtile, exacutum, & quod celerimas habeat motiones ad inveniendum & excogitandum: quodque pennati teli instar volet per ora virum, & mirabilem vim habeat penetrandi animos? Apollo dum suavitate lyra lapides permovit, ut ad constructionem Troiae coirent ultro (id quod etiam de citharoedo Amphione, Thebarum Conditore memoravimus) denotat, altissima quæque moenia, qualia Troiana fuerunt, animorum concordia (quæ per contemperatas & consonantes lyra chordas intelligitur) exstrui, firmari, defendi. At Laomedontis paetam mercedem abnegantis perjurium, perfidos & ingratos designat mortales, qui vel à fide data turpissime resiliunt; vel malam gratiam referunt iis, quorum consilio, prudentia, opere ad magnos honores ac fortunas sunt proiecti. De Apolline Venustus Lyricus lib. 2. Od. 10. canit:

----- quondam cithara tacentem
Suscitat Musam, neque semper arcum

Tendit Apollo.

Amant alterna Camœna; omnes quandoque nervi contendendi in litterarum studiis, aliquando laxandi & honestis lusibus remittendi. Ceterum Pæan est cantilena, quæ Apollini cantatur, vel implorando auxilium, ut imminens malum divertat: vel solvendo grates ob acceptum beneficium, dicitur à πάνω quiesco, quasi παντελή, dum quiescit malum, sedatur, desinit. Notent hoc Alumni Musarum, & saepius sacratorem pæana canant, hoc est, studiorum auspicium ducant ab invocatione divini auxilii, finiantque cum gratiarum laude: quia, ut sacer paœmiographus loquitur, Dominus dat Sapientiam: & ex ore ejus prudenter & scientia. Prov. 2.

II. (i)

(f) Ara in Delo insula. (g) Duo Parnassi juga. (h) Apollinis arcus & sagittæ.

II. (i) Jam quod idem sit in Parnasso Musarum Præses, & in cœlo Rex Planetarum, scilicet Sol, liquidi Fons luminis, Lux publica mundi, Oculus, Mens, ut eum Tullius appellat pulcherrimâ analogiâ, ad virtutis ac Sapientiæ studium transfertur. Plinius de Sole, lib. 2. c. 6. ita scribit: Septem siderum, quæ ab incessu vocamus Errantia, cum errent nulla minus illis, Medius Sol fertur amplissima potestate ac vi: nec temporum modò terrarumque, sed siderum etiam ipsorum, cœlique rector. Hunc Mundi esse totius animam ac mentem, hunc principale naturæ regimen ac numen credere decet, opera ejus æstimantes. Hic lucem rebus ministrat, aufertque tenebras: hic reliqua sidera occultat: hic vices temporum, annimque semper renascentem ex usu naturæ temperat: cœli tristitiam discutit, atque etiam humani nubila anni serenat: hic suum lumen cœteris quoque sideribus foenerat, præclarus, eximus, omnia intuens, & omnia etiam exaudiens. Hactenus Plinius. Ejusdem Solis seu Phœbi laudator est Benedictus Pererius in cantic. trium pueror. Omnis quidem, ait, mundi hujus structura cunctis numeris absoluta, tanquam ad regulam facta, & ad lineam respondens, cogit suî spectatores & contemplatores, Deum opificem omnium agnoscere ac venerari. Sed nihil est omnium, quæ aspectu sentiuntur, præclarus, admirabilius, & divinæ potestatis ac magnificentiæ illustrius monumentum, quam Sol, dux & moderator cunctorum siderum, omniumque caducarum rerum procreator & conservator. Nihil enim est eo vel aspectu pulchrior, vel efficacitate potentius, vel usu & utilitate copiosius. Hic namque tenebras fugat, rerum colores vel facit, vel ostendit, cuncta exhilarat, omnium animantium oculos atque animos insatiabili voluptate complet, & mundo salutarem, maximèque vitalém, ac cunctas augentem naturas, nutricantem, sensuque afficientem calorem largitur. Hæc ille. Meritò Ecclesiasticus c. 43. Solem vocat *vas admirabile, opus Excelsi*. Quia Deum non tantum clarè repræsentat, sed divinitatis ejus thesauros in omnia creata liberaliter effundit & dispergit. Nos pro ratione propositi nostri Phœbum primò ad laudabilem Princepem, tum ad Sapientiam seu virum sapientem applicabimus.

III. (k) Ad laudes Principis quod attinet, 1. Meritò Soli comparatur. Primus Persarum Rex dictus est Cyrus, id est, Sol. Sicut enim Sol oriens in suo quasi curru & solio gloriose residens, fugat tenebras, feras, fures, homicidas, adulteros, alique sceleratos, lucifugas & te-nebriones; sic rex justitiæ ac sapientiæ prædictus, providentia sua, ac

Aaaa 2 quasi

(i) *Encomium Solis.* (k) *Analogia inter Solem & Principem.*

quasi solari intuitu dissipat scelerum umbras & caligines. Atque ut Sol
in ortu suo benignis omnia recreat radiis; ita in hilaritate vultus regis
vita est. Prov. 16. Imperantis enim clementia, jucunditatem & amo-
rem subditis tanquam vitam inspirat. 2. Sicut Sol (quod Epictetus mo-
net) preces & blandimenta non exspectat, ut oriatur, sed sponte surgit,
atque ab omnibus salutatur; sic beneficentia Principis nec plausus ex-
spectat, nec laudes; sed ultrò sese in alios effundit. Vitalem Solis fœ-
cundumque influxum animantes, plantæ, lapides ac metalla sentiunt:
Pari ratione Principis munificentia in omnis generis ac conditionis ho-
mines dividitur ac effunditur. Artaxerxes Persarum rex, ab altera ma-
nu longiore dictus, *Longimanus*, cum idcirco quasi monstrosus ridere-
tur, respondit, se ad dandum *longimanum*: ad accipendum altera ma-
nu breviorē esse. Plut. in apophth. 3. Sicut Sol obit & iusrat omnes
ac singulas terræ regiones, eas illustrando, calefaciendo, foecundando;
ita princeps provincias obit regni, suaque præsentia subjectorum diffi-
cultates ac gravamina audit, examinat, levat. 4. Sol mediis interpla-
netas, radios quaquaversum ejaculatur: Rex in medio regni, sicut in
centro, omnes, quibus jura dat, Zelo iustitiæ ac virtutis accedit. 5.
Sol oculis sanioribus placidus est & gratus: infirmioribus noxius: Sic
vultus Principis bonis est jucundus, malis terribilis. 6. Sol vocatur *A-*
pollo ὥς ἀπολύων ἡμέας τῷν νότῳν, ut qui morbis nos liberet: Principis pa-
riter est calamitates à subditis avertere, & pestes, quæ Religionem aut
Politiam turbare ac corrumpere possent, sanare & exterminare. Atque
ut Deus, quod Plutarchus in Moral. ait, in celo pulcherrimum ac jucun-
dissimum sui simulacrum constituit *Solem*: sic in Republ. Principem, qui
prudentiâ, iustitiâ, benignitate se erga omnes salutare sidus repre-
sentet. 7. Sicut Sol est solus in mundo; ita rex solus in regno, Princeps
in sua provincia. 8. Ut Sol irrequietus est atque indefessus, à cursu
suo nunquam desistens; ita Principem decet in omnes regni curas sem-
per intentum esse, ne quid derimenti res patiatur publica; vigilet sem-
per & excubet, ne pax turbetur, ne iustitia infringatur, ne vexentur bo-
ni, grassentur mali. 9. Sol semper est juvenis & imberbi vultu (unde
Persæ eum vocabant *νέον*, id est adolescentulum) sempèrque vegetus.
Habet tamen quasi tres ætates. *Nam primo aspectu*, ait Martianus Ca-
pella lib. 1. *est sicut puer renidens & renitens*; *inceps medio est vir an-*
helus; *in fine apparet senex occidens*. Sic Princeps in ipso aditu comi-
tatem præ se ferat, ne adeuntes majestate deterreat; at in tractatione re-
rum

rum juvenile robur promat: denique in consiliis, quid factō opus, senilem ostendat prudentiam 10. Ut solis cursus non recto per cœlum meatus fertur, sed obliquo, leni, atque moderato, tamen orbis universi machinam æquali temperie calefacit: Ita Principes & magistratus sese populi nonnunquam studiis, ut ita dicam, obliquis accommodare debent, ut melius sit iis consultum, quos regi par est non summo jure, sed æquitatis temperamento. Ob has & alias à Sole deductas similitudines perfecti refert imaginem Principis Apollo; quæ etiam causa fuit, cur in Iosuæ, herois illius fortissimi monumento, Solis esset statua posita; & quasi staret adhuc in mortui cineribus, mutaque loqueretur, Regentesque doceret officium standi, id est, vigilandi, & in ipsa quoque morte vivendi.

IV. (1) Nunc ejusdem Phœbi conditiones in Sapientiam conferemus. 1. Sol unicus est in mundo, quasi lucis arbiter, & monarcha orbis. Unde *Sol* dicitur, eò quod ex omnibus sideribus sit *solus* (quod diximus) & Rex cæterorum. Unicus in cœlo Sol; pauci sapientes in terra. Non nisi septem olim tota Græcia numeravit, cum *stultorum*, Salomone teste, *infinitus sit numerus*. Ecclesiastæ. c. 1. 2. Mirabilis puritas est Solis ac splendor: unde *Secundus* Philosophus interrogatus ab Hadriano Imp. Quid est Sol? respondit: Cœli oculus, splendor sine occasu, dici ornatus, horarum distributor, claritas sine macula. Et S. Ambrosius 4. hexam. c. 1. Sol oculus est mundi, jucunditas dici, pulchritudo cœli, naturæ gratia, præstantia creaturæ. Quid autem clarius est sapientiæ, quid illustrius, quid purius, quæ in malevolam non introibit animam, nec habitabit in corpore subdito peccatis. Sap. 1. Est enim hæc speciosior sole, & super omnem dispositionem stellarum, in comparisonata invenitur prior. Ibid. c. 7. v. 29. 3. Ingens est Solis magnitudo; nam juxta Mathematicos centies sexagesies, aut etiam pluries vastitate sua terram superat; altitudinem sublimis fertur, ut à Tychone Brahe uno milione, trecentis nonaginta sex millibus, & centum leucarum (quarum singulæ horæ spatio conficiendæ) distare à centro terræ dicatur; à superficie vero telluris secundum quosdam distantia ejus continet millaria Belgica seu leucas nongenta millia, sexaginta quatuor millia, trecenta, sexaginta unum. Parri ratione vir sapiens longè supra terram, & vulgi sensum eminet. Talis, inquit Seneca sapientis est animus, qualis mundi status super lunam; semper illic serenum est; tenet summa, & ne ulli quidem, nisi sibi innixus. Fortuna premit reliquos, sapiens fortunam. 4. Situs So-

Aaaa 3 lis

(1) *Solis & Sapientiæ comparatio.*

Lis est in medio planetarum, tanquam astrorum Principis & Ducis, de quo Statius lib. 7.

Sol operum medius summo librabat olympos
Lucentes, ceu staret equos.

Nimirum homo prudens placebit magnatibus. Eccli. 20. De viro sapiente Salomon Sap. 8. Habebo propter hanc claritatem ad turbas, & honorem apud seniores. Ipsa quoque sapientia de se loquitur Prov. 8. Ego sapientia habito in consilio, & eruditis intersum cogitationibus 5. Incredibilis est velocitas Solis, qui quotidie horis viginti quatuor percurrit ambitum orbis sui, totiusque cœli vastissimi; adeò ut unâ horâ permettiatur milliaria horaria quingenta octoginta millia, & octingenta. Et hoc sapienti convenit, qui mirabili celeritate per omnia scientiarum genera circumfertur. Est enim in illo spiritus intelligentia, unus, multiplex, subtilis, discretus, mobilis, incoquatus, (sicut lumen, nullas fortes contrahens) omnia prospiciens, & qui capiat omnes spiritus, Sap. 7. hoc est, artes & scientias. Hunc spiritum habuit Salomon, qui loc. cit. de se ipso : Ipse enim dedit mihi horum, quæ sunt, scientiam veram: ut sciam dispositionem orbis terrarum: & virtutes elementorum, initium & consummationem, & medietatem temporum, vicissitudinum permutationes & commutationes temporum, anni cursus, stellarum dispositiones, naturas animalium, & iras bestiarum, vim ventorum, & cogitationes hominum, differentias virgulorum, & virtutes radicum, & quacunque sunt absconsa & improvisa didici: omnium enim artifex docuit me sapientia. 6. Maxima Solis est efficacia, quæ rebus omnibus dat vigorern, motum, vitam; atque is idem est in æthere, quod cor in animali. Facit hoc Sapientia, dum animal prius rudem & inertem informat, excitat, elevat, & ad recondita quæque perspicienda, capacem reddit. Vita corporis est animus, Sapientia animi. Hinc Aristoteles afferit tantum esse discriben inter doctum & indoctum, quantum inter hominem vivum & mortuum. 7. De calore Solis quid dicam? qui tantus est, ut multas terræ plagas penitus exurat. Id in sapientiae amatore cernitur: nam incendit in eo desiderium sciendi, quali flagrabat regum sapientissimus, qui de se Sap. 7. Propter hoc optavi, & datum est mihi sensus: & invocavi, & venit in me spiritus sapientiae. Super salutem & speciem dilexi illam, & proposui pro luce habere illam: quoniam inextinguibile (ut Solis) est lumen ejus. 8. Sole nihil est in aspectibili hoc mundo pulchrius, nihil clarius; omnium, ad se rapit oculos. De sapientia Ecclesiastes cap. 6. Clara est,



est. & qua nunquam marcescit, & facile videtur ab his, qui diligunt eam & invenitur ab his, qui querunt illam. Claritas Solis fugat tenebras ex oculis, Sapientia ex animo. Et quid aliud est homo doctus, quam lux? quid indoctus, quam tenebrae? illam invehit sapientia, hanc stultitia; unde Ecclesiastes c. 1. i. tantum, inquit, inter sapientem & stultum interest, quantum inter lucem & tenebras. 9. Sicut lux Solis splendens procedit, & crescit usque ad perfectam diem. Prov. 4. Ita Sapientia in aurora pueritiae, quasi per nubes transmittens radios, apparet pulcherrima, ac Solis instar, qui à Poëtis auricomus, & à Græcis φόδον νύνος vocatur, id est, roseos habens digitos; sensimque cum ætate crescit, donec in summo stet olymbo, radiosque doctrinæ, honoris, famæ longè, latèque spargat. 10. Radii Solis, ait Seneca epist. 41. contingunt quidem terram, sed ibi sunt, unde mittuntur. Sic animus magnus & sacer in hoc demissus est corpus, ut proprius divina noscamus, conversatur quidem nobiscum, sed beret originis suæ, quæ summa est sapientia. 11. Qui oculorum aciem fixiis soli obvertunt, excæcantur, unde Lucretius:

Sol etiam cæcat, contrâ si cernere pergas.

Id accidit illis, qui volunt plus sapere quam oportet Rom. 12. Scrutantur altiora suo captu, & ut quidam loquitur, veritatem querunt in vanitate; ideo curiositatis temerariæ meritas dant poenas, & juxta Apostolum Rom. 1. in reprobum sensum à Deo traduntur. 12. Sol horrator est laboris & monitor operum. Oriens manè, tacitè quasi nos salutat, & inclamat: Surgite mortales, excutite somnum: nox transiit, dies illucescit; en lucem vobis affero, lætitiam, vitam; surgite & evigilate mecum: ad opus, ad labores honestos, ad virtutis & sapientiae studium vos accingite. En ego vobis iter præeo, imò facem præfero, & præluceo, me sequimini, me imitamini. Et quid aliud facit Sapientia, de qua Prov. 8. Nunquid non Sapientia clamitat, & Prudentia dat vocem suam? Et quid clamat? sequitur ibidem: O viri, ad vos clamo, & vox mea ad filios hominum. Intelligite parvuli astutiam, & insipientes animadvertisse: accipite disciplinam meam, & non pecuniam: doctrinam magis, quam aurum eligite. Qui manè vigilant ad me, invenient me. Id adeò prisci Romani observârunt, ut in more positum habeant, Solem orientem salutare. Agunt id ipsum Sapientiae studiosi; primo diei crepusculo evigilant, & Solem orientem salutant: hujus radiis non excitantur magis corpora, quam illustrantur & calefcunt animi ad artes liberales addiscendas, & ingenii labores prosequendos.

Atque

Atque hæc de Apolline seu Phœbo; cuius satellitum festivissimè describit Ovidius 2. Metam.

----- purpurea velatus veste sedebat.
In folio *Phœbus*, claris lucente smaragdis.
A dextra, lœvaque *Dies*, & *Mensis*, & *Annus*,
Seculaque, & positæ spatiis æqualibus *Horæ*.
Vérgue novum stabat, cinctum florente corona;
Stabat nuda *Æstas*, & spica serta gerebat:
Stabat & *Autumnus*, calcatis folidus uvis:
Et glacialis *Hiems*, canos hirsuta capillos.

SYMBOLVM XCII.

Saturnus,

Ex Variis.

Ethicè.

1. Saturni simulacrum. Cur senex: barba promissa? quid falx? serpens? lapis in ore? clepsydra in capite?
2. Tempus & Occasio.
3. Bonus Princeps per Saturnum indicatur.
4. Item tyrannus.
5. Lex magis, quam Rex, observanda.
6. Janus bifrons & quadrifons.

Cæli & Vesta Saturnus fuit filius, Opimive Rheam (*Cybelem* alirdunt, aut *Tellurem*) sororem matrimonio sibi conjunxit. Parenst fuit Jovis, Junonis, Neptuni & Plutonis. Nomen hausit à *Saturno*, eò quod devorandis filiis fuerit saturatus; aut quia Senex satur fuit annis. Alii malunt eum à *Saturno* fuisse appellatum, quod stercoreni & agriculturæ præsit, unde *Sterculius* & *Sterculinus* cognominabatur. Græcis Σειρηνοὶ seu Χειρηνοὶ, id est, *Tempus* dicitur. Fratrem habuit *Titanem*, majorem natu, qui cum parenti, ut par erat succedere deberet, animadvertis tamen matrem, sororesque in Saturnum priores esse, jure suo cessit, ea tamen lege, ne Saturnus prolem masculam tolleret (seu educaret) sed regnum ad suam stirpem rediret. Saturnus igitur ex pacto cum fratre inito, liberos suos masculos, ubi primùm nati essent, devoravit.

